




Kalkome  
15036


III

P
















Z B I O R druków procesowych z XVIII. i XIX. w.

Tom II.

Nr. <sup>1.</sup>	Elsner i Wisogierdowie r.1782.	szt.	1.
"	2. Froelichowie r.1799.	"	3.
"	3. Goldynga r. 1765.	"	2.
"	4. Grabowski i Sieheń etc r,1799.	"	1.
"	5. Grabowscy r. 1799.	"	2.
"	6. de Grothuz i Piótr Książę kurlandz.r.1779	"	1.
"	7. Gruzynski i Podberescy r. 1799.	"	3.
"	8. Haudring i Klüchzner r. 1779.	"	3.
"	9. Haudringowie i Platerowie r. 1780.	"	2.
"	10. Janowicz i Chodakowscy r. 1799.	"	1.
"	11. Izraelowicz i Radowski r. 1799.	"	2.
"	12. Hryniewicz r. 1774.	"	1.
"	13. Jezuici toruń. i Magistrat toruń. r. 1724.	"	3.
"	14. Jasna Góra i Kłobuck r. 1790.	"	2.
"	15. Jocz i Downarowicz r. 1800.	"	1.
"	16. Kaczanowska i Brzozowski 1799.	"	1.
"	17. Kalenkiewicz r. 1760.	"	1.



LIBRARY  
OF THE  
MUSEUM OF  
NATURAL HISTORY  
OF THE  
CITY OF  
NEW YORK



# DECRETUM INTER COLLEGIUM SOCIETATIS IESU TORUNENSE ACTORES, 13e

Atque  
MAGISTRATUM ET COMMUNITATEM  
TORUNENSEM CITATOS,  
datum anno Domini 1724.

## AUGUSTUS SECUNDUS DEI Gratiâ REX Poloniæ.

Magnus Dux Lithvaniæ, Russiæ, Prussiæ,  
Masoviæ, Samogitiæ, Kijoviæ, Volhyniæ,  
Podoliæ, Podlachiæ, Livoniæ, Smolensciæ, Se-  
veræ, Czerniechoviæque; necnon Hæreditarius  
Dux Saxonæ, & Princeps Elector.

**S**ignificamus præsentibus literis nostris, quorum  
interest Universis & singulis: Intercessisse antea  
Decretum Nostrum Assessoriale, inter Generosum  
Instigatorem Regni, ejusque Delatores Religio-  
sos: Casimirum Czyżewski Rectorem, Laurenti-  
um Marczewski Vice-- Rectorem, Casimirum  
Klimecki, Jacobum Piotrowicz, Martinum Wo-  
lanski Fratres, & totum Collegium Societatis IE-  
SU Torunense, Actores, ab una; atque Nobiles & Spectabiles Ge-  
rhardum

A



rhardum Thomam Burgrabium, Godefridum Resner Præsidentem, Pro-  
consules, Consules, & Ordines, totumq; Magistratum & Communi-  
tatem Civitatis Torunensis, citatos, parte ex altera. Idq; in causa  
& actione ipsis instituta pro eo: Quia illi malevolô animô, odiôq; Fi-  
dei Sanctæ Romanæ Catholicæ, in Regno nostro Catholicissimo de-  
gentes, contra leges Divinas & humanas, Constitutionemq; ejusdem  
Regni nostri procedendo, non contenti anterioribus ausibus & vio-  
lentiis; recenter nacti occasionem, quod sub tempus Processionis  
cum Venerabili Sacramento, in Festo Beatissimæ MARIÆ Virgi-  
nis de Monte Carmelo, in Cæmeterio Ecclesiæ Sancti Jacobi Aposto-  
li, DEO dicatarum Virginum Ordinis Sancti Benedicti, ipso die  
Dominico Torunii celebratæ, cuidam puero Dissidenti, Ceremoni-  
as Ecclesiæ irridenti, irreverenterq; se gerenti, galarum Polonus  
Studiosus, zelô cultûs Divini ductus dejecerit. Statim absolutâ Pro-  
cessionem, in cæmeterio per licentiosos Cives enormiter eundem stu-  
diosum converberârunt & vulneribus affecerunt, tandem ex loco sã-  
cro violentè etiam per milites extractum, per plateas ductum, &  
carceri ac custodiæ militari, uti & postridie alterum innocuum stu-  
diosum Polonum mancipârunt, & in eam conjecerunt; cumq; ad plu-  
ra postulata Juventutis Polonæ neuter libertati redderetur, imò contumelio-  
sissimè ambo tractarentur, gymnasista quoq; heterodoxæ Fidei, in  
compensationem captivorum duorum prædictorum studiosorum, ad  
scholas, insciis Religiosis Actoribus, non tamen cum tumultu, neq;  
cum ignominia nociva, à studiosis Polonis introductus esset, Ple-  
bem licentiosam, ut cum armis variis & bombardis parati essent,  
turmatim sub pænis pecuniariis convocari fecerunt, in quem finem  
& portas Civitatis solito citiùs tempore claudi jusserunt, & quali-  
ter plebs procedere deberet ad inferendam Statui Spirituali, atq; lo-  
cis Privilegiatis, utpote Cæmeterio, Scholis, & Collegio prædicto-  
rum Actorum violentiam, malitiosè instruxerunt: unde factum est,  
quod eadem licentiosa & seditiosa plebs, taliter in depressionem  
Statûs Spiritualis & violationem Immunitatum instructa, Citatorum  
scitu, jussu, mandatô, & subordinatione, nec non conniventia, ani-  
mo feroci atq; crudeli, [ etsi jam ad requisitionem Secretarii Ci-  
vitatatis, gymnasista ex schola liberè dimissus fuerit: ] eo ferventiùs,  
quia sol ad occasum vergere, & tenebræ sceleri patrocinari vide-  
bantur, bene ad vim inferendam & patrandum nefandum ausum  
armata, tota mente & corpore pro tunc furorẽ spirans, post egres-  
sum Secretarii simul cum gymnasista ( nam eidem ad manus red-  
ditus: ) planè ex condicto, & de industria, magno cum impetu,  
in assi-



in assistentia militum Civitatis, & explosione bombardarum pro securitate sui criminis, majoriq; facilitate ad invadendum & deprædandum, foribus primò scholarum securi excisis ac effractis, cætervatim armataq; manu aggressi, scholas omnes & aulam publicam invaserunt, omnia funditus inverterunt, scamna, cathedras, sellas, fornaces, fenestras, fores, ad ultimam particulam concusserunt, confregerunt, dissecuerunt, & globis plumbeis trajecerunt. Quod autem magis execrandum est: nec Imaginibus Christi Crucifixi, ac DELparæ, nec non aliorum Sanctorum pepercerunt, & quod nec Barbari, nec Ethnici facerent, id Torunenses in Regno Catholicissimo impiè facere ausi sunt, in honorem DEI, Beatissimæ, & Sanctorum sacrilegè saviendo, Pedes Crucifixi amputando, altaria duo, unum Immaculatæ Conceptionis Beatissimæ MARIE Virginis affabrè, & de novo elaboratum, extractumq; in Congregatione minori Sodalium, alterum salutæ ab Angelo Virginis in Congregatione majori, in partes securibus & ascis scindendo, ita, ut vix locus supersit ubi altare secundum fuerit; Icones plurimas Christi Crucifixi, Beatissimæ MARIE Virginis, & Sanctorum, alias dilacerando, alias gladiis confodiendo, alias securibus scindendo, ac ne impia crudelitas Sacrilego ausui finem imponeret ( licet si manus scribendo tremat, & ambæ ad audita tinniant aures ) Imagines Immaculatæ Conceptionis Beatissimæ MARIE Virginis, Sancti Francisci Xaverii, & aliorum Sanctorum in publicam plateam insolenter ac temerariè exportârunt cum subsannationibus, illusionibus, vociferationibus, & blasphemis, lingua procaci, effrenatis in omnem malitiam plenis buccis, ac rodentibus Theoninis dentibus, ceu caninis, lædendo carpendo, & contaminando, hostes contra honorem DEI, DELparæ, & Sanctorum conjurati, tumultuosi aggressores, persecutores Fidei S. Romanæ Catholicæ, terræ alliserunt; circaq; Imagines illas in terra prostratas incendio factò, saltus indecentes ad normam paganismi exercendo, blasphemando contra DEUM & Beatissimam, malitiosissimi tumultuarii, plurimas easdem Imagines vesanis addixerunt flammis & concremârunt, cum summa injuria honoris DELparæ, blaterando inter cætera, *Brońże sie teraz Dżieweczko: Vivat MARIA: &c:* Nec his contenti ausum ausui, scelus sceleri addiderunt: dum eodem cum furore, ac omni genere armorum, violenti aggressores, hostiliter excitis ac effractis foribus, seu Janua Collegii, in ipsum Collegium, jam profunda nocte tumultuatim irruerunt, cum strictis acinacibus, securibus, ascis, bombardis longioribus & brevioribus, aliisq; armis, facibus, & candelis accensis,



eum periculo incendii, bis de industria intentati, ibidemq; in parte inferiori Collegii, omnes fenestras tam ambulacri, quàm cubiculorum, uti & fornaces, fores, concusserunt; cubicula suppellectili, ac re vestiaria ferme tota, imò & pecuniâ spoliârunt, in vimq; prædæ ac turpis lucri eandem retinuerunt, & retinent. Imaginēs plurimas: Christi Domini, DEIparæ, ac Sanctorum, in circuitu ambulacrorum signis illicitis despexerunt, aliquas in partes lacerârunt, alias gladiis confixerunt, alias securibus & ascis secuerunt, alias globis è sclopetis trajecerunt, alias pedibus conculcârunt, & in minutissimas attriverunt partes; oratorium in superiori parte Collegii, ejusq; sculptoriam elegantem structuram, multas in partes sciderunt, secuerunt, & detruncârunt. Ipsum Venerabile ex Tabernaculo in summum opprobrium Fidei nostræ jam jam ejiciendum erat à tumultuariis, nisi cujusdam Religiosi precibus flecterentur, quem tamen & alios Religiosos gravissimè concusserunt, & sauciârunt; hypocaustum commune, uti & aliqua superiora cubicula, effractis foribus vastârunt, fenestras gladiis excusserunt, fornaces & fores globis trajecerunt, milites nostros Præsidarios supervenientes ad sedandum tumultum, cum armis aggressi sunt, eosq; letaliter vulnerârunt: etiamq; quendam Religiosum Ordinis S. Dominici ad initium tumultûs [veniente ad Collegium Secretario Civitatis:] verberârunt. Hæc & alia prope ad mediam noctem inaudito exemplò, & nefando ausu, ac impio & sacrilego facinore patrârunt, desolatamq; Arabiam tam in scholis, quàm in Collegio, jussu & consensu Citatorum, ac supinâ conniventia mediante reliquerunt, exindeq; pœnas Legum Regni criminalissimas promeriti sunt. Pro quibus decernendis, tum & statuitione Principalium ac Complicium tantorum scelerum, blasphemorum, & Sacrilegorum, atq; ablatorum restitutione, damnorum litisq; expensarum refusione, citati sunt Citatione Originali, ejusq; relatione, tum propositione ore tenus facta, ac revisione Officiosa per Ministerialem, Combustionis Imaginum & desolationis, ac damnorum, in Collegio & Scholis actorum, in præsentia Nobilium & Officialium coram Actis Castrensibus Kovaleviansibus, Palatinatûs Culmensis, Feriâ quartâ post Festû Beatissimæ Virginis Mariæ Scapularis, Anno nunc currente factâ & inscriptâ in se latius loquentibus sub Actu Varsaviæ Feriâ sextâ postridie S. Laurentii Martyris & Levitæ, die undecima Mensis Augusti, Anno Domini millesimo septingentesimo vigesimo quarto, id Decretum nostrum est prolatum. Quò necessariam esse hac in causa Commissionem & Inquisitionem adinvenimus, eamq; decreveramus,



veramus ad quam expediendam Commissarios nostros Reverendos in Christo Patres, Dominos, Christophorum in Słupow Szembek, Vladislaviensem & Pomeraniæ, Andream Załuski, Plocensem, Episcopos; Magnificos Stanislaum Chomentowski, Masoviæ, Jacobum Sigismundum Rybinski, Culmensẽ, Ignatium Działynski, Pomeraniæ, Palatinos; Adamum Poninski Gnesnensem, Andream Damski Brestensem Cujaviensem, Petrum Czapski Culmensẽ Castellanos; Generosum Georgium Lubomirski Succamerarium Regni, Venerabilem Dominicum Sieninski Decanum Gnesnensem, Præpositum Cracoviensem ad Ecclesiam Sancti Michæelis, Officialem Generalem Gedanensem, Generosum Jacobum Dunin Regentem Cancellariæ Majoris Regni, Venerabilem Michæelem Węzyk Archidiaconum & Officialem Generalem Varsaviensem, Prælatum in Cathedra Posnaniensi, Generosum Franciscum Radzewski Succamerarium Posnaniensem, Venerabilem Aloysium Humański Ecclesiæ Cathedralis Culmensis & Insignis Collegiatae Varsavienfis Canonicum, Secretarium nostrum Judicii Assessorem, Generosos Joannem Georgium Kczewski Succamerarium Mariæburgensem, Josephum Nakwaski Capitaneum Ciechanoviensem, Paulum Iaroszewski Vexilliferum Plocensem, Franciscum Poninski Dapiferum Posnaniensem; Joannem Franciscum Rosciszewski Plocensem, Michæelem Kalszteyn Mariæburgensem Judices Terrestres; Ignatium Damski Inovladislaviensem, Joannem Piwnicki Culmensẽ, Notarios Terrestres; Casimirum Piwnicki Ensisferum Livoniæ; deputaveramus, iisdemque commiseramus, ut si ex scrutinio aliqui principales motores tumultus & violentiarum illatarum, combustionisque Imaginum, & blasphemiarum apparerent esse rei, tales stricto Arresto & sequestro, apud Nobilem Magistratum Torunensem detineri mandarent, eosque ad parendum Judicio pro sumendis pænis idem Magistratus Torunensis statuere teneretur, ipsis injunxeramus, Terminumque partibus post expeditam nec ne Commissionem præfatam, coram Nobis Judicioque Nostro conservaveramus peremptorium. Qui Commissarii supra specificati, cum ad Civitatem Torunensem condescenderent, ibidemque in Prætorio Jurisdictionem suam Commissorialem fundarent, & post inscriptam partium comparitionem ad excipienda Confessata libera nonnullorum Inculpatorum, demum ad Inquisitiones aulculturandam processerunt, Juramenta super incorruptos Testes Partibus præstare demandarunt, quæ defacto ab ipsis sunt præstita; Post quæ præstita, Testes oculatos speciali registro connotatos, ac Partibus ad invicem communicatos, inducere injun-

B

xerunt.



xerunt. Quos Testes, ex Parte Actorea viginti sex, & ex parte citata itidem viginti sex inductos, præviis Juramentis super fidei depositione, cum monitione de perjurio, juxta Interrogatoria à partibus porrecta, & ad invicem Parti per partem communicata, examinârunt, auscultârunt, Testimoniaque eorum connotârunt. Post quas Inquisitiones per partes eductas, quoniam ex iisdem Inquisitionibus eductis, nonnulli Principales Motores tumultûs & violentiarum, combustionisque Imaginum ac blasphemiarum redarguerentur esse rei; Ideo Inculpato utpote Graurok Capitanum militiæ civilis Torunensis, Famatum Zylber Civem Apothecarium & Capitanum Divisionis Veteris Civitatis Torunensis, Famatum Walter Civem & Capitanum Divisionis plateæ pontalis Civitatis Torunensis, Maciejowski & Westphal famulos Vice-Præsidis, Swiderski famulum Præsidentis, Joannem Kall Wach-Magistrum militiæ Civitatis, Karviza Civem & Lanionem novæ Civitatis Torunensis, Hafft Civem & Pistorem, Schultz Acuarium, Hertell Coriarium, Mohapt Civem & Propinatorem liquorum, Joannem Mertz, Joannem Waz Cives & Sutores, Westphal Studiosum gymnasii, pro majori & sufficientiori informatione Criminum perpetratorum enucleatione [ siquidem nonnulli ad corporales Inquisitiones destinari deberent: ] ad Nos Judiciaque Nostra remiserant. Quos modo præmissis connotatos Inculpato, Nobili & Spectabili Magistratui Torunensi in Sequestrum tradiderant, utque eosdem coram Iudicio Nostro statueret, eidem Magistratui mandaverant, idque sub onere Causæ, & criminali pro non statutis responsione. Alios verò Inculpato, videlicet: Leban seu Falsbakier, Iarka, Teyblingier, Oberkram scribam Famati Zylber Apothecarii, scribam Famati Kleybe, Ernestum Turkowski scribam Famati Heyna, Murifabrum aliàs Mularczykâ, Civitati Torunensi melius notos, Lignifabrum aliàs Ciecielczykâ, Guttbrodt Lignifabrum, Fick aurifabrum, Nagorny, Conradum Gronau, Godfridum Krygier gymnasii Torunensis studiosos, Alexandrum Civem chirurgum, Bazyler Sutorem Germanicum, Doliatorem aliàs Bednarczyka in platea Carnificis apud Viduam Magistram famulantem, Krauza, Berent, Bedka Cives Laniones, Christianum Sartoreæ Artis Socium seu Famulum Famati Krauz Famulum Famati Sztalkofer Civis Perukarii sub signo aurei Cervi manentis, Klebere Strangulatum aliàs Powroźnika, famulum Famati Berkla mercatoris, Iacobum Malon scribam, & puerum ignotum, famulos Famati Tesmer, nonnullos jam arresto præventos, cæteros captivandos, & strictiore carcere mancipandos censuerant, eosdemque arctæ custodiæ Nobilis & Spectabilis



Spectabilis Magistratus Torunensis, usque ad finalem decisionem  
 Causæ tradiderant, sub rigore superius expresso. Reliquos quoque  
 inculpatores, videlicet Famatum Heyna Apothecarium, Godefridum  
 Panthel Civem, Aurigam seu famulum Famati Heyna A catholicum,  
 scribam Famati Fengier Nathanælem Blumenşzal, Samuelem Wer-  
 ner scribam Famati Dankmeger, Christianum Krautz Famati Szwey-  
 cman scribam, puerum sub signo albi equi, Famati Pozyna Peru-  
 karij famulum, Famatæ Hannau viduæ filium studiosum, scribam  
 Helfzt Famati Rosteuscher, puerum Famati Fengier, Godefridum  
 Ludovicum famulum Nobilis & Spectabilis Proconsulis, Gryffald pue-  
 rum famati Reycha, Andream famulantem ad Officinam librariam  
 Civitatis, artis mensatoriæ famulum vulgò *Stolarczyka* Honesti Kinast  
 Magistri, Filium Iuniorum famatæ Rauschowa studiosum gymnasi, Gott-  
 libum filium de villa Lubicz artis papyraceæ Magistri, Coriarium  
 Nosek ex nova Civitate, scribam famati Szyrna, famulum Lanionis  
 habitantem versus Ecclesiam Sanctæ MARIÆ Matris DEI, Winter  
 Nobilis Præsidentis, Cornelium Civitatis famulos, Bekier Perukarza,  
 Ioannem foralium Civitatis Torunensis Exactorem vulgò *szarpacz*  
 dictum; inhærendo Decreto Nostro præfato, stricto arresto & seque-  
 stro apud Nobilem & Spectabilem Magistratum Torunensem deti-  
 nendos, & si opus fuerit ibi ubi de iure venerit pro pænis de eisdem  
 sumendis statuendos, sub rigoribus superius expressis sententiaverant.  
 Famatum verò David Heyder, Civis & Mercatoris novæ Civitatis To-  
 runensis, licet quidem a parte Actorea Inculparetur, & ex educto scru-  
 tinio, Immunitatis Ecclesiasticæ per eundem violatæ redargueretur esse  
 reus; verum quoniam in Tractu Commissionis præfatæ, sponte & li-  
 berè fidem Sacram Catholicam Orthodoxam in Ecclesia Torunensi S.  
 Ioannis amplexus esset; idcirco parte Actorea pro eodem instante  
 eundem in fidei iuramentum partis Actoreæ Venerabilis Collegii Toru-  
 nensis Societatis IESU relinquendum esse censuerant usque ad ulterio-  
 rem Causæ præsentis decisionem, cum hac adjecta declaratione, ut  
 liberum esset famato Heyder, absque ulla molestia per omnes Or-  
 dines Civitatis inferenda, commercia sua tractare, Bonis & fortunâ  
 suâ uti frui, & ad velle ac beneplacitum suum iisdem disponere,  
 sub pæna seorsiva super refractarios præfatæ Declarationi Commissa-  
 riorum Nostrorum, per Iudicium Nostrum irroganda & extenden-  
 da; nihilominus is idem famatus Heyder, quoniam supplicationem  
 per partem Actoream Fidei iuramentum ad Iudicium Commissariorum  
 interponeret, idque pro eo: quatenus famatus Radzki Civis & Mer-  
 cator Torunensis, filium ejus in Tractu Commissionis apud se exi-  
 stentem



stentem, sibi Patri extraderet; ille verò in contrarium *Fidei ortho-*  
*doxæ* procedendo, veritus ne Pietate Patris permotus *Fidem Sa-*  
*cram* orthodoxam amplexaretur, eundem extra fines Regni malitio-  
sè evexit, neq; evectum post trinas declarationes Iudicii præfati  
Commissorialis Patri suo restitueret, idcirco habita ratione postpo-  
sitionis autoritatis Commissorialis, tum & Paterni iuris naturalis  
convulsionis, eundem pro sumendis pænis de ipso, ad Nos, Iudi-  
ciaque Nostra remiserant. Porro quoniam ultra superius expressos  
Inculpatores, ex scrutinio coram Iudicio Commissoriali expedito, com-  
pertum esset, Nobiles & Spectabiles Gerhardum Thomam Burgra-  
bium Nostrum, Ioannem Godefridum Resner Præsidentem, Iaco-  
bum Zerneke Vice-Præsidentem, Iacobum Meyfner, Andream  
Cymerman, Consules Torunenses, inter Inculpatores intrasse: tamen  
habita ratione regiminis & dispositionis totius Civitatis Nobilibus  
& Spectabilibus Gerharδο Thoma Burgrabio, uti senio grandi pro-  
vecto, atque Nobili Iacobo Meyfner, Consuli, prædicti Nobilis  
Burgrabii ( in casu debilitatis ) officii Adjutori, Cautionem Iurato-  
riam, observata iurisjurandi Solennitate, coram Imagine Crucifixi  
Domini Nostri IESU Christi in eam juramenti rotam: prout Iu-  
ri & Iudicio Nostro post finalem decisionem causæ parebunt, ne-  
que se à regimine Civitatis Torunensis alienabunt, neque ab exe-  
cutione Decreti disparebunt, ita eos DEO Omnipotente & San-  
cta IESU Christi Passione adjuvante præstare demandaverant. quam  
cautionem de facto præstiterunt. Quantum attinet Nobiles & Spe-  
ctabiles Godefridum Resner Præsidentem, Iacobum Zerneke Vice-  
Præsidentem, & Andream Cymerman Consules Civitatis Toru-  
nensis, eosdem detineri à tribus Ordinibus Civitatis prædictæ, us-  
que ad finalem Causæ decisionem, Decretique Nostri executionem  
injunxerant, sub rigore supra expresso. Nobilem verò Wedeme-  
jer Secretarium Civitatis similiter Inculpatum, quoniam pro eodem  
cautio literatoria à tribus Ordinibus Civitatis Torunensis interce-  
deret, ideo eundem unà cum aliis Varlaviam remittendis Inculpa-  
tis sistendum sese sive statuendum coram Iudicio Nostro manda-  
verant, itidem sub rigore supra expresso. Quò peractò iidem Com-  
missarii Nostri ad visionem desolationis ab intra & ab extra, Col-  
legii Torunensis Societatis IESU & Scholarum, per tumultum im-  
pium Civitatis Torunensis factæ & perpetratæ ad Instantiam Par-  
tis actoreæ sese contulerant, ac juxta Officiosam ante Terminum  
Commissionis, per Partem Actoream conscriptam, in plenissima  
forma iuris Visionem, viderunt, & optimè animadverterunt, omnia  
taliter



aliter nefariè facta, & per tumultum perpetrata esse, prout in conscripta officiosè Visione continentur. Qua taliter facta Personali visione, ad enixam supplicationem Incolarum Catholicorum utriusque sexûs, tum & apud Cives Torunenses Dissidentes famulantium, ne iniquis extorsionibûs post expeditam Commissionem à Superioritate Civitatis Torunensis aggraventur, & angarisentur, præcipuè in expensas Causæ præsentis erogatas & erogandas, quoniam in ulla violentias & crimina per tumultum Dissidentium perpetrata, nullatenus influerent, & se immiscerent; idcirco eosdem ab omnibus extraordinariis sub prætextu ordinariæ Contributionis exactioibus, extorsionibus, & injuriis liberaverant, sub scorsiva animadversione Iudicii Nostri. Quantum attinet Ephraim Olloff Ministrum Augustanæ Confessionis Civitatis Torunensis, quoniam primò ad Iudiciale Commissionis requisitionem, secundariò ad Iuridicam Terminò tacto ex mente Iudicii Commissorialis citationem, contumacem sese præberet, neque ad præstandam Informationem tam ratione gymnastarum, in sæpe nominatum tumultum intrantium, quàm & ratione scripti pasquinosi foribus Collegii Torunensis Societatis IESU affixi, tum & ad dandam Iustificationem ex Persona sui, in puncto objectæ sibi certæ cum vicinis civitatibus A catholicis Correspondentiæ & factionis, in præjudicium Fidei Orthodoxæ & Personarum Catholicarum, Torunii, in obsequiis variis existentium, coram Iudicio Commissoriali comparere renueret; Christophorus quoque Giereth Senior Minister Torunensis Augustanæ Confessionis, quoniam scriptum certum læsivum, typò Civitatis Torunensis impressum, varias calumnias contra Sacram Sedem Apostolicam Fidem Orthodoxam, tum & Statum Reipublicæ, in se continens, Nobili & spectabili Iacobo Meyser Consuli, Præsidi Cameræ & Scholiarichæ Gymnasii Torunensis, in applausum fæderis Conjugalis, & in contemptum durantis Commissionis dedicare, ac varia per loca plurima efferre exemplaria variis Personis ausus esset, & temere præsumeret, neque ad justificationem scripti sui læsivi & calumniosi, licèt multoties per Secretarium Civitatis Torunensis vocatus, coram Iudicio Commissoriali comparere vellet, imò se à comparatione abstraheret; idcirco utrosque pro disjudicatione, ratione præmissorum omnium, ad Nos, Iudiciaque Nostra remiserant, & comparere sub rigore pænarum contra Calumniatores legibus Regni descriptarum mandârunt. Ad extremum Indicentes omnes: videlicet: Conventum Torunensem Sancti-Monialium Ordinis Sancti Benedicti, Conventum Torunensem Ordinis Prædicatorum S. Dominici,

C

Venerabilem



Venerabilem Severinum Szezuka Episcopum Ioppensem, Suffraganeum, Archidiaconum & Officiale Generale Culmensis, Præpositum Ecclesiæ Parochialis Torunensis Sancti Joannis, singulos pro suo Interesse; atque Conventum Ordinis Sancti Francisci ratione proprietatis Ecclesiæ Beatissimæ MARIE Virginis, nulliterq; ejusdem Ecclesiæ per Acatholicos Civitatis Torunensis ac Monasterii sui per eosdem in gymnasium conversi possessionis; Quoniam pars citata eisdem Indicentibus sese opponeret, licet connexionem cum causa præsentis habere nonnullæ Indictiones viderentur; ne tamen Parti citatæ aliquod præjudicium inferretur, ad Nos Iudiciaq; Nostra pro disjudicatione, & partes cum paratis Inquisitionibus remiserant, conservando iisdem Terminum peremptorium; A qua sententia Commissoriali appellationem, citata Pars, ad Nos, Iudiciumque Nostrum interposuerat, eamque non admissam extraditis citationibus Prosecutorialibus prosecuta est; Decreto Nostro supra de Actu specificato, & Actu Commissoriali, Sabbatho post Festum Exaltationis Sanctæ Crucis proximo, anno præsentis millesimo septingentesimo vigesimo quarto expedito, tum Citationibus Prosecutorialibus in se latius præmissa enarrantibus. Quo in Termino ex præfata Remissa conservato, & ex Prosecutionibus per citatos extraditis provenientes, dum Partes hîc Varsoviæ FERIA quinta ante Festum Sanctorum Simonis & Iudæ Apostolorum proxima die vigesima sexta Mensis Octobris, anno præsentis; Et quidem Actorea: Generosus Wyrozembski Instigator Regni Personaliter, Religiosi Casimirus Czyzewski Collegii Torunensis Rector, Matthias Przanowski Presbyter, Iacobus Piotrowicz, Martinus Wolański Fratres Societatis JESU personaliter, suis & aliorum nominibus, cum Nobilibus Michæele Nagrodzki, Joanne Złotorowicz; citata verò Pars per Nobilem Christianum Klosman Secretarium Civitatis Torunensis personaliter, cum Nobilibus Chrysostomo Boguszewski & Francisco Cygler judicialiter additis Defensoribus, coram Nobis, Iudicioque Nostro comparerent, eundemque Terminum attentarent, & secum de admissibilitate & prosequibilitate appellationis, legalitateque nec ne Sententiarum Commissorialium, controverterent; atque Venerabilis Antonius Donadzki Ecclesiæ Sancti Laurentii extra mœnia Torunii Præpositus, uti Venerabilis Severini Szezuka Suffraganei Culmensis & Præpositi Ecclesiæ Sancti Joannis Torunensis, & simul Communitatis Catholicæ Torunensis, Plenipotens personaliter, tum Nobilis Albertus Włoszkiewicz Plenipotens Pellionum Catholicorum Torunensium, & Venerabilis Michæel Hankiewicz Plenipotens Venerabilis Abbatissæ DEODICATARUM Monialium

Regulæ



Regulæ Sancti Benedicti Conventus Torunensis personaliter; nec non Religiosus Bonaventura Murczyński Ordinis Sancti Francisci de observantia, tum ejusdem Nominis Religiosus Kopaczewski Commissarius Terræ Sanctæ, Ordinis ejusdem Conventus Varsoviensis, suis ac totius Provinciæ suæ Nominibus Personaliter, cum Nobili Antonio Czeszkiewicz ad causam præsentem, cum Iuribus suis, ad Ecclesiam Beatissimæ *MARIÆ* Virginis Torunensem habitis intervenirent, & se indicerent. Nos cum Consiliariis & Iurisperitis Nostriis, causam præsentem ad Feriam 2dam proximè futuram rejecimus, Terminum Partibus conservando, pro quo Terminò Partibus utrisque Inquisitiones in Iudicio Nostro reponere mandavimus, sub onere causæ. In Terminò itaque hodierno, ut supra, ex Rejectione conservato, legitimè ad præsens proveniente, & hucusque continuato Partibus prænominatis, Generosis, Vladislao Wyrozębski Instigatore Regni, & Adamo Dorengowski Vice-Instigatore Regni, tum Religiosis Casimiro Czyżewski Rectore, Matthia Przanowski Presbytero, Iacobo Piotrowicz & Martino Wolański Fratribus Societatis IESU personaliter, suis & aliorum, totiusque Collegii Torunensis Societatis IESU nominibus, cum Nobilibus Michæele Nagrodzki & Ioanne Złotorowicz; Citatis verò, & Incarceratis, per Nobilem & Spectabilem Ioannem Fridericum Hawenszteyn Consullem, Honoratos Godefridum Augsztyń Scabinum, Iacobum Gemeiner & Andream Kircheysen Sexaginta viros, atque Nobilem Christianum Klosman Secretarium Civitatis Torunensis, suis & aliorum Nominibus personaliter, cum Nobilibus Chrysofomo Boguszewski, & Francisco Cygler defensoribus Iudicialiter additis, coram Nobis, Iudicioque nostro comparentibus, eundemque Terminum attentantibus. Et Actoribus quidem scilicet Religioso Rectore totoq; Collegio Torunensi Societatis IESU ex Citatione sua, tum Protestatione coram Actis Castrensibus Kovaleviensibus, feria quarta in vigilia Festi Sancti Laurentii Martyris, anno nunc currente facta, proponentibus, exhibitisque visione per Providum Albertum Kupczewicz Ministerialem Regni Generalem, in Præsentia Generosorum Officialium Terrestrium, Collegii & Scholarum Torunensium, desolationum, bene & diligenter in loco loci in recenti conscripta, & eorundem Generosorum Officialium Terrestrium ibidem præsentium manibus subscripta, & per oblatam circa ipsius recognitionem ad præfata Acta Castrensia Kovaleviensia, feria quarta post Festum Beatissimæ ac gloriosissimæ Virginis *MARIÆ* Scapularis proxima, anno itidem currente porrecta, nec non obductione sub



eodem Actu vulnerum lividorum, converberationum & obfangvinationum, Religioso Casimiro Czyzewski, & Fratribus Andreæ Gaykowski, ac Iosepho Rożański, ejusdem Collegii Societatis JESU Torunensis, circa violentiam per gverrham tumultuariam, plebis Communitatis Torunensis, Collegii præfati Invasionem, inflictorum factâ, tum arrestô officiosè impositô super Personis, Davide Heyder, Leban Fasbakier & aliis violentiarum & criminum in citatione & protestatione specificatorum patratoribus, in relatione ejusdem Arresti coram Actis Podguriensibus, die sexta Mensis Septembris, per providum Albertum Kupczewicz Ministerialem Regni Generalem, recognita, expressis, iisdem productis, & Actu Commissariorum Nostrorum supra specificatorum Iudicialiter perlecto, Remissas præfati Iudicii Commissorialis ad Nos & Iudicium Nostrium factas expediri, & contenta suæ Citationis decerni petentibus; Generosis verò, Joanne Vladislao Wyrozembski Instigatore, & Adamo Dorengowski Vice-Instigatore Regni, pro tantis sceleribus in DEUM, & Beatissimam Virginem MARIAM, & Sanctos, ac Fidem & Religionem Catholicam Romanam, in hoc Regno dominantem, perpetratis, tam Præsidentem quàm & totum Magistratum ac plebem Aatholicam tumultuantem, pænis criminalissimis, toti Christiano Orbi exemplaribus, nempe concremationis in vivis, circa extractiones lingvarum à tergo per Executores Iustitiæ affici, Fana eorum Lutheranica, gymnasium & typographiam, totamque mobilem & immobilem cujusvis substantiam confiscari, Ecclesias antiquitus Catholicas per eosdem indebitè possessas, antea actis Possessoribus Catholicis adjudicari, & ne quispiam Lutheranus in futurum in murata Civitate Torunensi habitare, vel pernoctare audeat, severè prohiberi, postulantibus. Jam verò eorum specialibus Delatoribus Religiosis Fratribus, Martino Wolański & Jacobo Piotrowicz, ob non statuitionem Inculpatorum, arrestatorum, Principalium & Comprincipalium, ac Complicum in sequestro Nobilis Magistratus Torunensis, ad tenorem Decreti Nostri, per idem Iudicium Commissoriale relictorum, sub onere Causæ & responsionis, in ordine ad examen illorum Iudiciale, & destinationem nonnullorum ad Inquisitiones corporales, injunctam & demandatam, pænas contraventionis, tam super Nobili Magistratu, quàm ordinibus Civitatis extendi, & nihilominus quatenus Decreto Nostro & Commissoriali in instanti satisfaciant, eosdemque inculpato, arrestato, & sequestrato, tum filium Famati Heyder Civis Torunensis, noviter Catholici facti, coram Iudicio Nostro sub forti eaque militari executione & onere causæ statuam, ante omnia



omnia decerni, & circa Decreta Commissorialia se Actores conservari, petentibus. Tandem in ulteriori Tractu, eadem Parte Actorea, Inquisitiones coram Iudicio Commissoriali expeditas, in occlusis ac Sigillatis rotulis, satisfaciendo Decreto Nostro, producente & in Iudicio reponente, ad lectionemque earundem inquisitionum condescendendi, ac remissionem expediri, & pœnas ut supra, tum & ratione contraventionis Decreto Commissoriali seorsivas decerni, postulante; In contrarium Parte citata, & Prosecutionum Actorea; appellationem à sententia Commissoriali, ad Nos, Iudiciumque Nostrium interpositam admissibilem fuisse & ad præsens prosequibilem esse, sententiamque eandem Commissorialem cassari à statuitione Inculpatorum Varsoviæ coram Iudiciis Nostriis injuncta, se liberari supplicante, atque contra Testes nonnullos exceptiones suas in scripto producente, tum & rotulum Inquisitionis suæ eductæ occlusum & obfigillatum reponente; In oppositum Actorea Parte locū prætensæ admissibilitatis & prosequibilitatis appellationis non esse, nec à pœnis contraventionis Decreto Nostro & Commissoriali, ipsos liberari posse; Propterea: quia vigore Iuris Culmensis & Saxonici stante pede, à decretis Commissorialibus non appellârunt, neque intra decendium juxta observationem Reverendissimi Lipski, & continuam Curiae Nostre praxim, extraordinariè de prosequenda protestati sunt, imò eadem Decreta, per Iuramenta super incorruptione Testium tum de stando Iuri, & parendo Iudicato, neque in Actu Commissoriali præstita acceptârunt, Testesque quos inducere voluerunt & notulam ipsorum subscripserunt ad Interrogatoria ipsorum examinati, & Interrogatoria Partis Actoreæ ipsis communicata fuerint, nullumque gravamen eis illatum sit; & quia ab accessoriis & in puncto statuitionis vigore cōstitutionis Regni Añi millesimi sexcētesimi septuagesimi appellationes prætensæ admissibiles & prosequibiles non sint, sitque ejusmodi petitio præpostera, uti post Decretum Iudicii Nostri demandatæ repositionis Inquisitionum excipiendo, dicente, ac ideo cum non constet de gravamine, assertam appellationem inprosequibilem esse, inferente. Interveniente quoque ad Causam præsentem, Religioso Provinciali Ordinis Sancti Francisci Minorum Conventualium, ac interventionem suam admitti atque se circa Iura sua ad Ecclesiam Beatissimæ Virginis MARIE habita conservari, Religiosorum verò Bernardinorum interventionem ad Ecclesiam eandem factam rejici supplicante; interveniente quoque Religioso Rectore totoque Collegio Plocensi Societatis JESU, per Religiosum Andream Rutkowski Societatis IESU, ratione Iuris & prætensionis prædicti



prædicti Collegii ad eandem Civitatem habitæ, interventionemque suam admitti postulante. Nos cum Consiliariis & Iurisperitis Nostriis, auditis partium controversiis, allegationibus, & defensis, suspensa cognitione admissibilitatis & prosequibilitatis, appellationis, legalitatisque nec ne sententiarum Commissorialium, ad lectionem Inquisitionum per Partes repositarum juramentò comprobatarum, condescendimus. Quibus lectis & per omnes circumstantias matura deliberatione discussis; siquidem Iudicio Nostro patet, & sufficienter deductum est: quod in Civitate Torunensi [ quæ olim tota fuit Catholica: ] Cives, Incolæ, & populus Augustanæ Confessionis A catholicæ, abutendo beneficio Reipublicæ, Religionem ipsorum hoc in Regno Catholico tolerantis, aliquoties jam ( uti Acta testantur: ) insolenter & violenter, tumultus & seditiones contra Catholicos & Spirituales Personas excitavit, & nunc recenter in contemptum ejusdem Fidei Orthodoxæ Romanæ, perturbationemque Pacis & tranquillitatis publicæ, ac in convulsionem Legum & Constitutionum Regni, præcipuè Anni millesimi sexcentissimi septimi, quæ Religiosis Societatis JESU & Studiosis Scholaribus in Civitatibus Terrarum Prussiæ, singulariter in eadem Civitate Torunensi, omnem præcavit securitatem, improba temeritate & audacia ducti, ex levi causa dejectionis, videlicet galeri de capite cujusdam A catholici irreverenter Processionem cum Sanctissimo Sacramento, in Solennitate Festi Sacratissimi Scapularis, Beatissimæ Mariæ Virginis, per cæmeterium Ecclesiæ Sancti Iacobi Religiosarum Monialium Ordinis Sancti Benedicti, annò præsentî celebratam prope stando intuentis per Studiosum Catholicum, zelò cultus Divini ductum, factæ, eundem Studiosum in cæmeterio Ecclesiæ præfatæ spreta illius immunitate Famatus Heyder colaphizavit, & cum Famato Karwiza aliisque concivibus suis ex cæmeterio violenter extraxit, ac custodiæ militari civili tradidit, ad postulationemque Studioforum, tam idem Heyder quàm Nobilis & Spectabilis Resner Præsident, eundem Studiosum ex carcere dimittere noluerunt, imò in crastino alterum Studiosum propterea ac si quod precibus suis, tam eidem Famato Heyder, quàm & Nobili ac Spectabili Resner Præsidenti molestus esset, incarcerari fecerunt, talique incarceratione & ad crebras preces Studioforum denegata illorum excarceratione, eosdem Studiosos Catholicos Polonos ad abducendum vicissim gymnastam A catholicum ad suas Scholas provocârunt, tumultumque & gverrham iidem A catholici excitârunt, quem tumultum Nobilis & Spectabilis Præsident, sub cujus potestate populus Torunensis erat,

prout



prout ad initium non compescuit, ita postea cum idem tumultus invalesceret, nullum consilium cum Civitatis hujus Consulibus, de sedando tumultu, fecit, qui tumultuans populus dimissione gymnasiæ Acatholici Studiosi non contentus, animis ferocibus & magna vi ac impetu cum armis primò Scholas, demum & Collegium Religiosorum Actorum effractis & exsectis foribus invasit, hypocaufta, cubicula, scamna, sellas, cathedras, fornaces, fenestras, sacellum, Congregationes binas Beatissimæ Virginis MARIE & in iis Altaria duo in particulas securibus confregit, tandem & Imagines Crucifixi Salvatoris Nostri, DElparæ, multorumque Sanctorum dilaceravit, acinacibus confodit, dissecavit, & nonnullas Imagines statumque DElparæ & Sanctorum Regni hujus Patronorum ac aliorum exportando accenso igni in platea ante Domum Nobilis & Spectabilis Zerneke Vice-Præsidis imposuit & combussit, & per hunc ignem Imagines cremantem saltando, varias blasphemias effrenatis in omnem licentiam lingvis effutire præsumpsit, Religiosum Rectorem & duos Confratres ejusdem Societatis JESU convulneravit, converberavit (uti obductiones loquuntur: ) ex quibus unus concussus de vita periclitatur; ac post cessatum (quinque circiter horis durantem: ) tumultum, in sceleratos tumultuantes Cives & incolas præfatus Nobilis & Spectabilis Resner Præsides advertere & inquirere tanta crimina neglexit, impunitaque reliquit, & apertè se coniventem huic tumultui contra paucos studiosos ex minoribus scholis [ ex majoribus enim jam vacabant: ] circa Collegium commoventes, & contra Actores excitato, reddidit; Nobilis quoque & Spectabilis Zerneke Vice-Præsides ex vicina Scholis & Collegio Actorum Domo sua lapidea per fenestram aspiciendo tumultuantes Cives ad sedandum hunc tumultum [ uti ex Officio suo tenebatur: ] se non applicavit, imò ut milites & Cives bombardas ad studiosos exploderent, mandavit, ignemque ante suam Domum lapideam & in eo combustionem Imaginum passus est, & nisi ad finem tumultus eum extingvi curavit; Ideo ex præmissis & aliis rationibus Iudicialiter illatis & deductis, memoratos Nobiles & Spectabiles Resner Præsides & Zerneke Vice-Præsides Torunensem penas criminales succubuisse adinvenimus, & decernimus. Quatenus Religiosi Actores per Religiosum Jacobum Piotrowicz, Martinum Wolański, Fratres Societatis IESU, vel unum ex illis eosdem Nobiles & Spectabiles Resner & Zerneke cum sex Testibus sibi genere similibus Sæcularibus Personis Iuramentò coram Commissariis Nostri ad Executionem Decreti Nostri præsentis assignatis convincant; Et



quidem Nobilem & Spectabilem Resner Præsidem in eam rotam quia ipse per Carcerationem Studioforum ex levi causa & non dimissionem eorundem ad preces Studioforum occasionem tumultus dedit, eumque tumultum sedare potuit, & non sedavit, imò propter non adhibitum Consilium Magistratûs, & per mandatum militibus ac Decurionibus datum, tumultum eundem auxit, & culpâ ejus invasio & devastatio Collegii & Scholarum ac Sacrarum Imaginum dissectio & combustio à tumultu facta est, pœnasque criminales promeruit; Iam verò Nobilem & Spectabilem Zerneck Vice-Præsidem in eam rotam: quia ipse quoque ad tumultum sedandum ex Officio se non applicavit, eumque per data mandata ad ejaculandas bôbardas ad Studiosos Catholicos, in cœmeterio & in Scholis se continentes auxit, combustionemque Sacrarum Imaginum ante suam Domum conniventer passus est & dissimulavit, ac pœnas criminales promeruit; ita illos vel illum & Testes DEO & Passione Christi adjuvante. Quod juramentum postquam præstiterint extunc utrosque tam Resner Præsidem, quàm Zerneck Vice-Præsidem Torunenses capite plectendos esse sententiamus, bonaque Resner Præsidis omnia confiscamus. Actuales autem Cœmeterii Scholarum & Congregationum ac Collegii Torunensis Societatis JESU Invasores, violentiarum manuales patratores, & Principales hujus tumultus Authores, quos Inquisitiones eductæ arguunt esse reos, utpote Heyder, Mohapt, Hertel, Hans Krysztoff, *Mularczyk*, *Cieścieleczyk* ignoti nominis Bekier, Guzikarz, Mertz, Waz Sutores, capitibus plectendos esse statuimus, tum & alios non solum invasores sed & blasphematores, Imaginum combustores, & quidem Karwiza Lanionem, Szultz *Iglarz*, Hafft *Piernikarz* prævia amputatione manuum dextrarum, nec non Gutbrodt capitibus similiter plecti debere, idque in foro publico Civitatis Torunensis, vel aliò ibidem suppliciorum loco solito in theatro sententiamus prævia tamen simili horum omnium supra specificatorum per Religiosos Actores prænominales ut supra juratoria convictione, prout objectorum Criminum sunt rei, & ejusmodi pœnas promeruerunt. Corpora verò eorum, & quidem Corpus Karwizy Lanionis in quatuor partes dilaniatum, & aliorum blasphemorum Szultza, Haffta, Gutbrota extra Civitatem rogo imponantur & comburantur. Jam verò Nobilis & Spectabilis Gerhardus Thomas Burgrabius & Cymerman Consul prædictæ Civitatis Torunensis tumultus spectator, qui ad sedandum hunc præfatum tumultum ( uti ex Officiis suis tenebantur: ) non concurrerunt, tam à Burgrabiali, quàm à Consulari Officio



Officio utrosque removemus ac privamus, & inhabiles horum Officiorum esse declaramus, & præterea quatenus sessionem Turris civilis Torunensis in una ab Actu inchoatæ Commissionis futuræ septimana ingrediantur, eandemque Cymerman per spatium dimidii Anni, & Gerhardus Thomas per duodecim septimanas continuent & expleant decernimus sub pæna infamiæ in ibidem coram Commissariis Nostriis sive in Iudicio Nostro publicanda. Quoad Personas Nobilium & Spectabilium Meyfner Consulis, & Wedemejer Secretarii propiores eosdem citatos ad evasionem juratoriâ adinvenimus, idque in eam rotam Nobilem Meyfner: quia de tumultu inchoato nescivit & ad finem ejus domum veniendo media sedandi illius non habuit; Iam autem Wedemejer: quia lapidem contra Collegium Actorum ( ut ipsi obiicitur: ) non projecit, neque tumultum ad projiciendos lapides concitavit, nec ullo modo consilio & opere ad eundem tumultum & violentias Actoribus illatas cooperatus est, idque cum tribus quisque Testibus sibi genere similibus possessionatis. Quibus juramentis præstitis liberos fore debere à pænis pronunciamus. Quoad Personas Graurok Præfecti militiæ Civilis, & Famati Zylber Apothecarii Ductoris unius Quartieræ: quoniam ipsi manum fortem habentes eundem tumultum non sedârunt, imò contra Studiosos Catholicos Scholasque eorum, non autem contra tumultuantes, bombardas exploserunt, & per recessum suum à Scholis, easdem & Collegium indefensum furia populi tumultuantis reliquerunt; idcirco licet pænam capitis jure merito succumbere deberent: quia tamen id ex mandato Præsidis factum fuisse dignoscitur, ( quod alias in tali casu attendere non debuerunt: ) ad mitiores descendendo: decernimus quatenus uterque redimendo caput fundum Civilis turris Torunensis, in una ab Actu inchoatæ futuræ Commissionis septimana ingrediantur ejusque Sessionem per annum & sex septimanas continuent & expleant, & in egressu de eadem turri Zylber centum aureos, Graurok verò quinquaginta in vim mulctæ Actoribus solvant, statuimus; Facturi sunt præmissa iidem citati sub pæna infamiæ & colli, ac libera captivatione in ibidem coram Commissariis Nostriis sive in Iudiciis Nostriis in casu contraventionis huic Decreto publicanda. Reliqui autem citati quos Inquisitiones eductæ circa invasionem Actorum præsentis fuisse, & tumultui se cum armis immiscuisse demonstrant, licet tanquam Complices tantorum scelerum, eâdem pænâ, qua Principales, criminali puniri deberent: quia tamen de Personali seu manuali eorum excessu luculenter non constat; ideo decernimus quatenus ipsi, vi-



delicet Teyblingier & Leban, Turkowski Pisarek Famati Kleyba, Maciciowski, Nagorny, & Grunau gymnastæ, Bednarczyk, redimendo capita, fundum turris seu carceris per Commissarios designandi in una ab actu inchoatæ Commissionis futuræ septimana ingrediantur, ejusque sessionem itidem per annum & sex septimanas; jam verò Iarka & Pisarek seu famulus Zylbera per dimidium anni, Walter civis, Heyna, Pisarek seu famulus kufego Ianka, Godfryd Pantel, Westphal & Krygier gymnastæ Pisarek seu famulus Famati Proba Vinopolæ, Samuel Werner famulus Dankmajera Mercatoris, famulus seu Pisarek Szweycmana, Nathanaël Pisarek Fengiera, Helfzt Pisarek Rozdayczera, Gryffald famulus Reych, filius Hanaowey Viduæ, Alexander Balwierz, Kall Wachmagister, Tuchel, Perukarczyk Famati Pozyna, Filius Rauzowy Viduæ, Christianus famulus Krauzyi, Perukarczyk sub signo aurei cervi existens, Kleber Pisarek seu famulus Teysmiera, Bedka, Krauz, Berendt Laniones, Pisarek Szyrny, Nosek Białoskornik per unum Quartale anni carceres civiles subeant continuent & expleant sub pena infamiæ & liberæ captivationis, & in egressu de turri Famatus Teyblingier & Leban tanquam cæmeterii Ecclesiæ Sancti Jacobi Invasores, immunitatisque ejus violatores quisque ex Persona sua quinquaginta aureos, & Iarka viginti quinque aureos Religiosis Monialibus ad dictam Ecclesiam existentibus; alii verò supra specificati Cives & famuli Civium *Pisarkowie* dicti, seu eorum Domini pro incontinentia ipsorum, quisque ex Persona sua per viginti quinque aureos, Walter verò & Heyna tum & Hanaowa Vidua pro Filio suo per quinquaginta aureos similiter quisque ex Persona sua in vim mulctæ pro exstruenda Columna & statua marmorea Beatissimæ MARIE Virginis in loco, in quo Statua ejusdem Beatissimæ MARIE Virginis & aliæ Imagines Sanctorum combustæ sunt ( si commode fieri poterit: ) aut ei vicino prope Collegium situanda, applicandos, ad manus Religiosi Rectoris ejusdem Collegii Societatis JESU solvant, sub simili pena Infamiæ in ibidem coram Commissariis Nostreis, sive in Iudiciis Nostreis publicanda, & ipsâ captivationis pænâ. Reliquos famulos scilicet Westphal, Ludovicum Swiderski, Exactorem *Szarpacz* nuncupatum, tum & pueros seu tyrones Szweycmana, Fengiera & *pod białego konia*, aurigam Heyny flagellis coercendos, & puniendos esse censemus. Resolvendoque suspensam in antèrius factam, & Remissam expediendo appellatione inadmissibili nec prosequibili à Sententia Commissariorum Nostrorum adinventâ, Partes circa sententiam eandem Commissariorum Nostrorum conservamus cum ea declaratione: quod non coram Iudicio Nostro, sed coram Commissariis



furiis Nostreis infra nominatis, omnes eosdem carceratos arrestatos & sequestratos pro sumendis pœnis Decreto Nostro præsentis assignatis Nobilis & Spectabilis Magistratus & Ordinis Civitatis Torunensis statuere teneantur sub rigore in præfata sententia Commissoriali expresso. Et quoniam frequenter hi tumultus præ potentia A catholicorum in Civitate Torunensi fiunt, eosdemque Magistratus A catholicus sedare & compescere negligit, imò conniventer se habere in illis consuevit, ideo ad coercendam facilius insolentiam & licentiam populi A catholici, tumultibusque ulterioribus contra Catholicos usu jam ferme receptis in futurum obviando, atque Constitutionem Regni Anno millesimi sexcentissimi trigessimi octavi ad executionem deducendo, statuimus & ordinamus, quatenus abhinc in futurum in Magistratu Consulari, Scabinatu & sexaginta Viratu ac in Officio Secretariorum sit medietas Catholicorum idq; per Electionem juxta præscriptum Iurium Civitatis ( quæ illæsa esse volumus: ) procedendo, in locum demortuorum, vel post ascensum, aut resignationem A catholicorum, ad eadem Officia assumendorum, incipiendo statim post remotos præsentis Decreto à suis Officiis, Quos Catholicos in præsentia Commissariorum ad executionem præsentis Decreti deputatorum eligent; Pariter ad Jus civile suscipiendum, contuberniaque sua & Officia Catholicos sine cunctatione admittent, & in servitio militari civili medietatem Catholicorum, Officiales autem militum Catholicos semper habeant, idq; sub pena quingentorum aureorum memorata Constitutione Regni Anno millesimi sexcentissimi trigessimi octavi vallata, per Generosum Instigatorem Regni in Iudiciis Nostreis vindicanda, & sub nullitate Electionis in contrarium præsentis Decreto peractæ. Ut autem Cultus Divinus augeatur, & Honor læsus DElparæ per combustionem illius Statuæ & Imaginum Sanctorum reparetur, Fidesque Catholica in eadem Civitate depressa reflorescat & propagetur: admittitur Interventione Religiosorum Ordinis Sancti Francisci de observantia ( qui soli in Regno Nostro Bernardini vocantur ) Ecclesiam Beatissimæ MARIE Virginis antea in possessione eorundem Religiosorum Ordinis Sancti Francisci de observantia existentem, tanquam Proprietariis & ultimis ante occupationem per A catholicos hujus Ecclesiæ Possessoribus cum suppellectili Ecclesiastica & Bibliotheca, quæ & qualis intercepta est, & ex Inventario antiquitus conscripto per Nobilem & Spectabilem Magistratum Torunensem producendo ejusdem Ecclesiæ propria esse apparuerit, & gymnasium quod ex monasterio eorum A catholicus sibi fecerunt iisdem Religiosis Bernardinis adjudicamus, & ut ipsos Commissarii Nostri ad Executionem Decreti Nostri



præsentis Deputati reintroducant illis committimus. Quam Reinductio-  
nem Nobilis & Spectabilis Magistratus & Ordines, & nemo ex popu-  
lo Acatholicus Civitatis Torunensis seu quævis Persona impugnare  
audebit sub pæna Infamiæ, quam decernimus, & Terminum pu-  
blicandæ coram Commissariis Nostreis iisdem conservamus, Processi-  
ones quoque publicas statim temporibus cum Sanctissimo Sacramen-  
to juxta morem & institutum Ecclesiæ Catholicæ, tum sepulturas  
processionaliter publicas Catholicorum, [uti olim fuerant:] Acatho-  
lici impedire, & inturbare in eadem Civitate ne audeant prohi-  
bemus, & pænam quingentorum aureorum, aliasque per Iudicium  
Nostrium decernendas & extendendas interponimus. Scripta typis  
impressa Sarcasmos & Convitia in ludibrium & contumeliam Fi-  
dei Catholicæ, Ecclesiæque Orthodoxæ continentia, ut & hymæ-  
nea per Giereth Prædicantium sacra miscendo profanis concepta  
calsamus, & ad rogam per Executorem Iustitiæ comburenda da-  
mnamus, ipsumque Giereth & Olloff Prædicantios ob non com-  
parationem coram Commissariis Nostreis, & in Iudicio Nostro, non  
datamque in objectis sibi justificationem, Infames & proscriptos es-  
se de Regno declaramus. Et ut reliqui Prædicantii Torunenses  
modestè se gerant, Fidem Catholicam & Spiritualem statum di-  
ctis & scriptis suis famosus non lædant, & Typographia Toru-  
nensis nullos libros & scripta sine facultate Loci Ordinarii & Cen-  
sura Theologi ab eo constituti imprimere audeat, severè & sub  
confiscatione Typographiæ interdicimus. Et siquidem ex occasio-  
ne binorum Studiorum & Studiosorum Catholicorum videlicet &  
Acatholicorum in Civitate eadem Torunensi tranquillitas publica  
sæpius turbari solet. Idcirco discrimina quævis turbasque & rixas  
amovendo, Scholam seu Studium Acatholicum in Civitate tam no-  
va quam veteri Torunensi haberi interdicimus, ad aliquam tamen  
villam viciniorem civitatis vel locum extra Civitatem separatum  
Scholam seu studium transportari Acatholicis permittimus. Damna  
causata litisque expensas ad triginta quatuor millia sexcentos flo-  
renos bonæ monetæ in Prussia currentis per Actores liquidata præ-  
via realitatis eorum per Religiosum Rectorem coram Commissariis  
Nostreis infra scriptis juratoria comprobatione: quatenus Civitas To-  
runensis durante Commissione futura Actoribus solvat demandamus  
idque sub intromissione in bona huic summæ adjudicatæ propor-  
tionata Civitatis Torunensis Patronymica in præsentia Commissa-  
riorum Nostrorum, per Ministerialem & Nobiles conferenda. Quæ  
bona per intromissionem tradita Religiosi Actores usque ad exsolu-  
tionem



tionem specificatæ summæ possidere, & usus fructus ex illis percipere debebunt; à cuius summæ solutione & quavis in litem præsentem contributione Catholicos liberamus, confiscataque Bona Resnera Civitati Torunensi damus & adjudicamus. Religiosos quoque Actores Societatis JESU, nunc & pro tempore Torunii existentes præmonemus, ut Studiosos Scholas suas frequentantes in modestia disciplinaque debita contineant, illosque coerceant, & advertant, ne injuriis, contumeliis, & violentiis A catholicos afficiant. Alios autem indicentes supra specificatos cum suis querelis & prætensionibus ad Commissarios eosdem remittimus. Interveniuntibus tamen Pellionibus Catholicis, quatenus Nobilis & Spectabilis Magistratus Torunensis Decreti Nostri cum A catholicis Pellionibus lati satisfactionem injungat, illudque durante Commissionem exequatur ipsi demandamus. Ad extremum Famato Radzki, qui Filium A catholicum Heydera [postquam Pater Heyder Catholicus factus est:] de Civitate Torunensi ad externos expedit, coram Commissariis iisdem statuatur, ipsi sub pæna mille Talerorum injungimus. Pro cuius Decreti Nostri Executione Commissarios Nostros utpote Magnificos: Jacobum Sigismundum Rybinski Culmensensem, Ignatium Działynski Pomeraniæ Palatinos; Adamum Poninski Gnesnensem, Andreæm Dambski Brestensem Cujaviæ, Casimirum Rudzinski Czernensem, Petrum Czapski Culmensensem Castellanos; & Generosos Georgium Lubomirski Succamerarium Regni, Franciscum Aloysium Łoski Varsoviensem & minoris Cancellariæ Regni Regentem, Felicianum Grabski Lancienensem, Antonium Trypolski Kijoviensem, Adamum Wilkowski Sochaczewiensem Succamerarios; Josephum Nakwaski Capitaneum Ciechanoviensem, Vladislaum Wyrozembski Instigatorem Regni, Paulum Jaroszewski Płocensem, Franciscum Mokronowski Varsoviensem Vexilliferos; Franciscum Poninski Dapiferum Posnaniensem, Josephum Wysocki Siradiensem, Ludovicum Borucki Brestensem Cujaviæ Pocillatores; Casimirum Polanowski Subdapiferum Buscensem, Joannem Piwnicki Notarium Terrestrum Culmensensem, Franciscum Łopacki assignamus & deputamus, iisdemque committimus, quatenus præviis Innotescentiarum suarum Literis, duabus Septimanis ante Terminum ponendis ad Civitatem Nostram Torunensem condescendant, ibidemque absentia nonnullorum non obstante modo quinque adsint Iurisdictione sua Commissorali in Prætorio vel alio loco qui ipsis commodior videbitur fundata, acclamatisque ad præsentiam sui per Ministerialem Partibus, in præsentia earum, tum & Incarceratorum & arrestatorum statuendorum Decretum præsens Nostrum publicari faciant, illudque in omnibus contentis punctis, non attentis quibusvis citatæ & lure victæ Partis oppositionibus,



bus, rescriptis, appellationibus, citationibus prosecutorialibus mandatis  
Nostri exportatis vel exportandis ad Executionem, adhibita etiam for-  
ti militari manu deducant & deduci curent. Quam Executionem No-  
bilis & Spectabilis Magistratus & Ordines Civitatis Torunensis, & ne-  
mo irritare audebit, sub pænis Legum contra Convulsores Decreto-  
rum Nostrorum sancitis, & ipsa pæna Perduellionis. Demum Indicen-  
tium seu Interveniendum ad præsens prætensiones exaudient, cognoscent,  
ac pro iure, iustitia & æquitate decident, sapient, vel si complanare  
poterunt, complanabunt, moderabunt. Appellatione à sola definiti-  
va sententia in his duntaxat Indictionibus, Partibus se gravatas esse  
sentientibus ad Nos iudiciaq; Nostra salva manente. Actum Commis-  
sionis quoad Indicentium & Interveniendum prætensiones expeditæ in  
aperto, Inquisitiones verò si quæ eductæ fuerint in occluso rotulo Par-  
tibus extradant, postquam taliter in rem Indicentium expeditam Com-  
missionem, Terminum coram Nobis iudicioque Nostro comparendi  
iisdem Indicentibus conservamus peremptorium Decreti præsentis vi-  
gore. In cuius rei Fidem præsentibus Sigillum Regni est appressum.  
Actum Varlavie sub tempus Comitiorum Regni Generalium Feriâ  
secundâ post Festum Sanctorum Simonis & Judæ Apostolorum proxi-  
mâ, Die trigesima Mensis Octobris Anno Domini millesimo septingen-  
tesimo vigesimo quarto, Regni verò Nostri vigesimo octavo Anno.


Relatio Illustrissimi & Excellentissimi  
Domini Joannis in Słupow Szembek  
Supremi Cancellarii Regni Łomżensis,  
Graudentini &c. Capitanei.

**JOANNES SZEMBEK**  
Supremus Regni Cancellarius.


[L.S.]

**SEBASTIANUS RYBCZYNSKI**  
Decretorum Curie Regni Notarius.  
MPP.











Biblioteka Jagiellońska



str0025902



